

後村千家詩

四

十八

搜村平家詩

分門纂類唐宋時賢千家詩選卷第十四

後村先生編集

地理門

山

附

山居 登山 深山

山行 宿山家 遊山

山居

李九齡

亂雲堆裏結茅廬已并紅塵迹漸疎
莫問野人生計事窗前流水枕前書

又

王建

屋在瀑泉西茅簷下有溪閉門留野鹿
分食與山雞桂

熟長收子蘭生不作畦叩開洞中路深處轉松梯

登山

李涉

終日昏昏醉夢間忽聞春盡強登山因過竹院逢僧話
又得浮生半日閑

深山

李成季

日出歛蒼靄雨餘生晚涼鳥啼人不見花落樹猶香

山行

王荊公

溝港重重柳山坡處處梅小輿穿麥過狹徑礙桑回

宿山家

徐靈淵

維舟拂曉步平沙村泊雲根第一家新取菜蔬沾野露
舊編籬落帶山花門前相對青峯小屋後流來白水斜

可愛山翁無一事
藤牆西畔看蜂衙

遊山

陳希夷

爲愛西峯好吟頭盡日昂
品花紅作陣溪水綠成行
幾夜礙新月半山無夕陽
寄言嘉邈客此處是仙鄉

山行

下馬酌村醪松梢日正高
轉從山後去幾樹野櫻桃

又

徐元杰

步繞青秧綠水間
春畦交錯路回環
老翁牽得牛當路
恐礙人行却復還

又

度嶺休騎馬臨淵看網魚
木根高可坐巖石細堪書
谷

鳥鳴相荅山雲卷復舒
儒衣人賣酒疑是蜀相如

又

石屏

地僻人稀到山寒水欲冰
聞鐘知有寺見犬不逢僧
斷壠森喬木頽簷掛古藤
清溪照孤影詩骨瘦峻嶒

又

山村寂寞去程賒莫惜頻頻到
酒家行李蕭然還不俗
牆頭顛倒插梅花

登山

劉後村

一里稀逢寸地平且無木影蔭
人行鳬飛惟學王喬舄
魚貫全如鄧艾兵樵子獻花簪
帽重山靈供水入瓢清
徐徐下恐礙林僧秉炬迎

遊山

戴石屏

鳳凰洲上鳳凰山草草登臨見一斑不立樊牆天廣大
賸我花竹地寬閑白雲四面峯千疊綠柳前頭水一灣
行色催人詩未就寄情亭院落花間

登山

抖擻囂塵上翠微傍溪寺上坐題詩忽聞啼鳥不知處
細看好山無厭時風掃雲煙開遠景人攜香火謁崇祠
客來千里登臨意說與時人未必知

登嶺

潘紫巖

纔登西嶺路詩思便能清棧道雲間沒籃輿壁上行遙
山時見虎深谷夏聞鶯咫尺名山寺猶分兩日程

又

黃茅連遠近不見一人行信步未知險回頭方可驚路
由高頂過雲在半腰生落日無棲止飄飄自問程

山居

戴石屏

巖路穿黃落人家隱翠微籠雞爲鴨抱網犬逐鶉飛竹
好堪延客溪清欲浣衣禪扉在何處僧立戴雲歸

又

茅屋七五聚沙汀八九驂梯山栽麥秀囊石障溪湍父
老雞麻社兒童芋栗盤幽居有餘樂奔走愧儒冠

宿山家

黑殺鑽籬破花猪突戶開空山竹瓦屋猶有燕飛來

村

附

田家 江村

村居 山村

村

李商隱

城郭休過識者稀
哀猿啼處有柴扉
滄江白石漁樵路
日暮歸來雨滿衣

田家

孟浩然

故人具雞黍邀我至
田家綠樹村邊合
青山郭外斜

江村

杜甫

清江一曲抱村流
長夏江村事事幽
自去自來梁上燕
相親相近水中鷗
老妻畫紙爲碁局
稚子敲針作釣鉤
多病所須惟藥物
微軀此外復何求

村居

卜築便幽僻相逢喜客嘉
充庖鋤野筍釘坐拗山花
竹列堦前戟山排門外衙
夜深誰是伴風月兩三家

又

徐靈淵

路遶山根石磴斜小橋流水樹交加
柴門半掩人稀到五里牌邊三四家

江村

郭功父

遠近皆僧刹江村八九家
得魚無賣處沽酒入蘆花

又

蔡襄

黯淡江村春日斜汀洲芳草野田花
孤舟橫笛向何處竹外炊煙一兩家

山村

莫笑農家勝酒尊
豐年留客足雞豚
山重水複疑無路
柳暗花明又一村

田家

范成大

晝出耘苗夜績麻
村莊兒女各當家
兒童未解供耕織
也傍桑陰學種瓜

又

桴枹無煙雪夜長
地爐煨酒暖如湯
莫嗔老婦無盤飣
笑指灰中芋栗香

又

穉子呼牛女拾薪
山妻自鱸小溪鱗
安知曝背庭中老

不是淵明行輩人

村家

徐元杰

疎煙落日路三叉
敗葉乾楓屋數家
場圃畢工梁月出
傍簷紅女績絲麻

村居

戴石屏

山僻誰家綠樹中
短牆半露石榴紅
蕭然門巷無人過
三兩孫隨白髮翁

郊野

附

郊行

郊垞

郊行遇雨

野

密竹藏啼鳥
荒村起白煙
人行秋色裏
家在夕陽邊

郊野

趙信菴

白鳥衝煙去山僧渡水來竹籬茅舍外忽見野梅開

郊垌

劉後村

所住在郊垌田園事遍經淺溝晴後塞高壠雨餘青屋潤鄰翁富祠新社鬼靈兩州無酒禁十戶九旗亭

郊行

一雨餞殘熱欣然思杖藜野田沙鶴立古木廟鴉啼失僕行迷路逢樵負過溪獨遊吾有趣何必問栖栖

又

徐元杰

百花只被一晴催一出郊行花盡開攜杖奚奴趁先去路迷青草却回來

又

潘紫巖

山色今朝改溪流昨夜添數荷紅貼水一筍綠平簷處
處聞縹軸時時見酒帘買香誼岳廟翁媪亦祈籤

又

衰病逢行健歸途未寂寥晚山青潑眼早稻綠平腰林
舊藏僧寺溪新架石橋松陰田舍古小立聽鳴蜩

又

擬欲尋詩取次行東風放出十分晴花時酒旆家家有
蠶月縹車處處鳴乍可腰鎌從父老何能手板事公卿
他年若述逸民傳萬一中間有姓名

又

野店柴門傍水開
憑欄漱罷一裴回
雲來嶺表商量雨
峯繞溪灣物色梅

又

僧惠高

野田分路入誰家
綠樹鳴鶯坎鬧蛙
過午歇涼人睡足
村村水滿稻吹花

郊行雨

潘紫巖

出郭忽數里
雨餘秋意偏
遠山青入霧
野水白平田
鷺立斜陽去
牛依古樹眠
不辭泥濘極
卽此是豐年

分門纂類唐宋時賢千家詩選卷第十四終

棟梁藏甫丙戌九月
重刊于揚州傳記

分門纂類唐宋時賢千家詩選卷第十五

後村先生編集

地理門

江景

附

江行

江望

江上暮景

江漲

江居

江上泊舟

江

失名

瘴江南去入雲煙望盡黃茅是海邊
山腹雨晴添象迹潭心日暖長蛟涎

路險乘舟

錢起

牽路緣江狹沙崩岸不平盡知行處險
誰曾載時輕